

衡陽縣志卷之十

卷之十

新編國語遊藝大綱


圖

齊

厠

衡陽縣志

每方五里



出大雲山舊志以爲出黃帝陁案攷水脈旣非經流
復與永昌相遠馮圖導水鑿孔尋原固地志之通病
然難爲智者言也乾隆中文學馬清始著耳石之泉
其後常大湘作蒸原攷二篇辨耳石陁水一見一否
不可爲原兼采帝陁雲山之說雖踐途無惑而校籍
猶乖比之宋人數蒸水爲九江或可助松枝之譚柄
非叢蘭之名記矣承水出羣峰之下巖泉竝嫻山溜
縣赴雖有川穴實承眾道故因其總受號爲承水東
漢書承爲丞吳蜀以後加艸作蒸丞蒸竝有眾誼亦
狀其實說者以水氣如蒸王夫之謂川旁多生小木

衡陽縣志卷第九

山水第八 承水

承水出邵陽東界三陽山

水經注曰承水出衡陽重安縣西邵陵縣界邪薑山
漢書地理志長沙國十三縣八曰承陽應劭曰承水
之陽顏師古曰承水原出零陵永昌縣界永昌縣吳
所立也隨入零陵今祁陽縣地三陽山杜衡陽祁邵
之交三縣皆有陽名故以爲目連領秀雲攢峰含霧
卽酈注所謂邪薑矣其山北跨邵陽南蟠祁境師古
據其近湘而言因以爲承水出永昌也通志言蒸水

帝卽位之十三年乙酉之歲也自明以前伽藍不題

何寺雖杜城市多取山名白雲非大雲之舊號正山

寺耳寺有龜泉汲食是資大雲山水自神前洞折而

南流十許里至佳木乃迤而西山逕幽篁夾道雲拂

垂蘿冪煙霍艸搖風

常大湘佳木白鹿道中詩云白鹿東頭第幾程曲蟠山路趁長

征天從古洞巖邊出人杜修篁影裏行宿雨侵巢呼老鶴墮雲如絮裏寒荊摩空一嶂青蒼立應有飛泉

鳴石

黛色谿光有助幽步十里而至雙版橋也承水

屈曲北流十里至下沙坪得仙橋水水東流廿里合

虎沖水水出黃帝陁卽舊所謂蒸原者也二水合流

逶迤東注土人耆老咸指黃帝陁爲邪薑山自非證

望文爲訓未爲達詰今從水經作承以附古名也

北流五十里稍西十里折而東流廿五里至一二翅灣入

衡陽縣境

承水行山間北流八里得白石冷水水西流十五里
至雙合橋入承承水又北西流十二里至黃龍嶂得
界冷水水東流十五里入于承承水又東北流十里
至雙版橋得大雲山水大雲縣西名山也蟠丹顏翠
同岨獨秀藥木有雲山故以此爲大雲內有龍洞洞
中銅鐘傳云飛來按其銘題云至正五年季日功德
主張繼祖父張應遠母彭氏云云供奉白雲山元順

東流廿里屈金蘭得等江水北屈東流卅里屈塞橋得
白馬水

金蘭鄉名也川漾金沙山產芳艸因被此名市杜承
水之陰距市三里水中有大金湫湫古文淵字俗音
讀蕩以爲鍾水大池雖音韻全乖而淵誼未改湫有
大石三級七孔大旱水涸則石窟涌泉又云湫有金
牛出則兆旱故其地亦名金牛里也湫東卅餘里復
有淘金山皆昔披沙之地矣等江水北流廿許里于
梧桐源西北合東沖水乃東流逕城坪沖口舊唐書
地志曰湘鄉漢鍾武縣屬零陵郡後漢改爲重安永

以祕監之言莫能明邪薑之所杜矣且三陽表界今古所同帝陟深入邵西雲山水則徑西流彌非東北之指三陽山盤亘百里雙帶二川西號邪薑承原所出東爲表山武水所道年代縣邈故稱已改躬履目證方可指名旣驚山水之有靈始歎酈顏之精覈也承水自沙坪南流稍西廿里徑畚田橋始通舟筏山氓木客汎運集焉故畚田名著土音急重呼若石蓮過橋東流至一二翅彎衡邵分境于此一二翅之名狀其翼次余以爲當取兩界書爲一至有小山謂之界山其西亦有龍洞林複巖幽可爲守險之防也

若立僧僧頂碗凹若碗盛泉各供一人之飲飲已輒
滿不飲不溢也袁公砦于咸豐中因寇亂重修等江
水自此逕金蘭市西而入于承亦謂之城坪水矣承
水東流逕大岡山山有龍潭泉至清冽民婦嘗濯兒
褓遂變慘綠三日乃復故相戒莫敢污之山下大橋
雍正初建取水旁山名曰爲寒峰跨連川岸上下復
有千金延壽二橋竝萬金之工也此鄉饒富廿里三
橋多由黃氏常氏募造千金橋新成忽滴鍾乳未知
物理之所由也承水于延壽橋南得芙蓉谿水水出
蕭公砦五代舊砦也東北有牛鼻山水逕其間東流

建三年更名湘鄉元和志云蒸陽故城杜衡陽縣西
百七十里此冲接近金蘭猶流城坪之目疑金蘭市
爲西漢鍾武故城也金蘭去縣治百廿里縣治卽元
和故地唐里少短故有百七十里鐵絲界有古城峰
三麓蜿蜒極覽祝融此峰亦近金蘭猶名古城彌可
相證若西渡檀江兩故城則里數縣絕鍾武重安縣
皆再徙今縣地有三故城此其一耳湘鄉本爲重安
賴有劉書可案自餘地志未能言之城坪冲北有袁
公麻竹二砦竝五代時避亂屯結之地麻竹砦頂甘
泉十道縣爲瀑布其西一峰曰馬旗陁二石相倚貌

芝立丹鑪于峰頂其後登大雲山白日狎舉今丹竈
尚存道俗立金仙祠祀之與史傳所傳是非錯繆然
盧循水仙蘇高帝坐泰芝天師之號至今猶顯矣祠
內銅鐘音映清越若晨霜夜月發響傳聲林籟蕭然
澂潭宋動俗亦謂之飛來鐘也峰間橫石曰牛背脊
又曰牛鼻幹石梁橫渡廣劣容步下臨危澗過者栗
心自脊投石觸下有聲空隆傳谷故亦名響鼓陁度
陁則滴水厓厓泉琤琮如檐雨初歇積水石洞自成
甃池嘗有洗甌洞口被吸而入數日之後浮于石馬
潭蓋是山中空與承水相通矣厓上虎穴以石狀得

過雲山鋪迤東廿餘里至芙蓉橋折西而入于承承
水過橋渟洄爲石馬潭潭底多石奔伏如馬道光十
四年大旱漁人畝道能入潭取魚見石洞無數洞口
尺餘中圓皆可數畝水愈深碧寒若負霜厯七八洞
水色純黑不敢復往青魚數丈觸人而行巨鼃若三
丈車輪羣鼃環伏懼而浮出已厯三晝夜初自不覺
也潭上里許爲金龍山山頂正平廣可百丈腹有石
洞蛇行乃入洞內足容百人山下梁箭埠埠中五塘
可溉千畝埠字字書所無土人通以爲山夾之名隔
水大山爲聚湖峰聚湖蓋地名也傳云唐方士申泰

嶂虧天盤道如綫嵐煙石氣盛夏長寒香鑪山頂阿
平有元末舊砦近歲修壘于土中得古刀錢欲濯視
之入水爲泥山石相承狀類博山旭日初升黃雲蒼
藹復如煙篆故受名矣昔有聶氏饒富尤好相墓青
囊之客延致相踵家故豪侈別炊狗飯會一術士暮
還廚食已盡犬甑新熟因以與之奴僮傳笑呼此士
爲狗師士知銜怒因說令鑿斷山脈旬日之內香鑪
不雲聶氏遂敗余以爲鄉曲細民妄希鬼福傾覆之
速殃有自來今山寺題爲復興菴知寺亦中圯也菴
井清澂浮落倒影嘗有雙鯉遊戲狎不可捕嘉慶中

名東有風巖將風時見碧煙如縷白巖直上輕絲裁
嫋則狂飈立至又東有牛子石杜下遙望如伏青牛
登山視之黑石正方厓側洞中多產芳艸謂之報春
蘭初春已花芬芳引步亦有素心者珍逾建產彼方
人士多以春秋登眺便捫致而歸西鄉之游聚湖爲
盛也承水白石馬潭東流五里爲龍口灘漁舫估舟
戒爲險激蓋羣山石趾夾川通徑奔互參錯競立水
中急湍回波蕩青揚素

常國笏龍口灘詩云兩山高
蔽天犬牙交其麓蒸水穿隙

奔石齒排波腹獮森如列陣似噴舟行速篙師巧避
就船石爭伸縮灘險方喧雷巖幽自搖綠漁樵無世
機豈識羈愁酷寄語
三峽人貪行取傾覆灘北則香鑪岩南則踰岡山積